



CANTON SARAJEVO
Ministry for Education, Science and Youth

Broj: 11/03-38-22036/19
Sarajevo, 30.05.2019. godine

Na osnovu člana 6. stav (3) Uredbe o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz Budžeta Kantona Sarajevo („Službene novine Kantona Sarajevo”, br. 33/11, 37/13, 16/14 i 6/17) ministrica za obrazovanje, nauku i mlade Kantona Sarajevo objavljuje

J A V N I P O Z I V

za prikupljanje zahtjeva udruženja i neprofitnih organizacija za dodjelu sredstava za finansiranje/sufinansiranje projekata **iz oblasti inkluzivnog odgoja i obrazovanja** za podršku djece i omladine, do 26. godine života, iz Budžeta Kantona Sarajevo za 2019. godinu, sa pozicije Ministarstva za obrazovanje, nauku i mlade Kantona Sarajevo

Predmet javnog poziva je prikupljanje zahtjeva udruženja i neprofitnih organizacija za dodjelu sredstava za finansiranje/sufinansiranje programa/projekata **iz oblasti inkluzivnog odgoja i obrazovanja za 2019. godinu**.

Pravo podnošenja zahtjeva imaju neprofitne organizacije i udruženja u skladu sa članom 2. Uredbe o kriterijima za finansiranje programa i projekata neprofitnih organizacija i udruženja koja se finansiraju/sufinansiraju iz Budžeta Kantona Sarajevo („Službene novine Kantona Sarajevo”, br. 33/11, 37/13, 16/14 i 6/17).

Dodjela sredstava po ovom javnom pozivu vršit će se za projekte za koje je nadležno tijelo/organ udruženja odnosno neprofitne organizacije donijelo odluku da će se realizirati u 2019. godini. Projekat udruženja/neprofitne organizacije koji se kandiduje za dodjelu sredstava po ovom javnom pozivu mora da ispunjava sljedeće kriterije:

- da se realizira na području Kantona i da je usmjeren na zadovoljavanje društveno korisnih potreba učenika/djece i omladine sa teškoćama u razvoju/invaliditetom i njihovih porodica sa područja Kantona Sarajevo i stvaranje jednakih šansi za svako dijete;
- da podnosilac aplikacije nije dobio finansijska sredstva sa pozicije Ministarstva za obrazovanje, nauku i mlade Kantona Sarajevo u 2019. godini;
- da doprinosi razvijanju sposobnosti učenika/djece i omladine sa teškoćama u razvoju/invaliditetom u segmentu obrazovne djelatnosti;
- da doprinosi popularizaciji predškolskog, osnovnog, srednjeg i visokog obrazovanja sa akcentom na inkluzivno obrazovanje;
- da je usmjeren na popularizaciju jačanja, zaštite i podrške cjelokupne porodice učenika/djece i omladine sa teškoćama u razvoju/invaliditetom;
- da je usmjeren na uključivanje u zajedničke aktivnosti porodica učenika/djece i omladine sa teškoćama u razvoju/invaliditetom i tipične populacije svih uzrasta;
- da ima za cilj zaštitu i promovisanje ljudskih prava sa posebnim akcentom na marginalizovane grupe, posebno porodice učenika/djece i omladine sa teškoćama u razvoju/invaliditetom;
- obezbijedena saradnja sa institucijama i ustanovama iz oblasti odgoja i obrazovanja;
- da je u proteklom periodu realizovalo saradnju sa obrazovnim institucijama;
- realizuje treninge/edukativno-iskustvena predavanja koja se tiču problematike porodica učenika/djece i omladine sa teškoćama u razvoju/invaliditetom u obrazovnim institucijama i nevladinim organizacijama;
- da podnosilac aplikacije ima iskustvo u radu na projektima sa domaćim i međunarodnim donatorima.

Potrebna dokumentacija:

Udruženja i neprofitne organizacije koja apliciraju na Javni poziv obavezna su dostaviti sljedeću dokumentaciju:

1. popunjen prijavni obrazac (**Obrazac UNO-16**);
2. projekat;
3. kopija rješenja o registraciji udruženja na bilo kojem nivou vlasti u Bosni i Hercegovini, izuzev udruženja i neprofitnih organizacija koja su registrovana na nivou Kantona Sarajevo za koja uvjerenje/potvrdu iz registra udruženja od Ministarstva pravde i uprave Kantona Sarajevo pribavlja po službenoj dužnosti Ministarstvo za obrazovanje, nauku i mlade Kantona Sarajevo;
4. kopija uvjerenja o poreskoj registraciji-identifikacioni broj;
5. kopija uvjerenja o izmirenim poreskim obavezama (ne starijeg od tri mjeseca);
6. uvjerenje o izmirenim porezima i doprinosima za zaposlenike (ukoliko ima zaposlenika);
7. udruženje koje nema uposlenih i neizmirenih obaveza dostavlja ovjerenu izjavu kod nadležnog organa da nema uposlenih i neizmirenih obaveza kojom to potvrđuje ;
8. potvrda institucije ili ustanove iz oblasti odgoja i obrazovanja o obezbijeđenoj saradnji;
9. potvrda o realizovanoj saradnji sa institucijom ili ustanovom iz oblasti odgoja i obrazovanja;
10. da podnosilac aplikacije ima iskustvo u radu na projektima sa domaćim i međunarodnim donatorima;
11. potvrda obrazovne institucije ili nevladine organizacije o uspješnoj realizaciji treninga/edukativno-iskustvenih predavanja koja se tiču problematike porodica djece sa teškoćama u razvoju/ invaliditetom u obrazovnim institucijama i nevladinim organizacijama;
12. dokaz da podnosilac aplikacije ima iskustvo u radu na projektima sa domaćim i međunarodnim donatorima (potvrde, uvjerenja, kopije ugovora i sl.);
13. program rada za 2019. godinu;
14. finansijski plan za 2019. godinu;
15. izjava o ukupnom broju članova udruženja/neprofitne organizacije i strukturi organizacije;
16. dokaz o uredno podnesenom izvještaju nadležnom ministarstvu o utrošku dodijeljenih sredstava iz Budžeta Kantona Sarajevo za 2018. godinu, prije dana objave ovog javnog poziva (potvrda nadležnog ministarstva ili Službe za protokol Kantona Sarajevo o prijemu izvještaja o utrošku sredstava);
17. kopija bilansa stanja i bilansa uspjeha ovjereni od strane nadležne poreske uprave za prethodnu godinu.

Prijava na Javni poziv obavezno se podnosi u formi popunjenog prijavnog obrasca (**Obrazac UNO-16**) koji se može preuzeti sa web stranice Ministarstva ili na Protokolu Kantona Sarajevo. Prijave koje ne budu podnesene u formi propisanog prijavnog obrasca smatrat će se neurednim i neće biti razmatrane. Prijavni obrazac potpisuje i ovjerava pečatom udruženja/neprofitne organizacije lice ovlašteno za zastupanje i predstavljanje udruženja odnosno neprofitne organizacije u pravnom prometu.

Projekat mora biti potpisan od strane lica ovlaštenog za zastupanje i predstavljanje udruženja/neprofitne organizacije u pravnom prometu i ovjeren pečatom udruženja/neprofitne organizacije.

Prijava na Javni poziv sa naprijed traženom dokumentacijom podnosi se u zatvorenoj koverti sa naznakom „**NE OTVARAJ** - Prijava na Javni poziv za za prikupljanje zahtjeva udruženja i neprofitnih organizacija za dodjelu sredstava za finansiranje/sufinansiranje projekata za podršku djece i omladine sa teškoćama, do 26 godina, iz Budžeta Kantona Sarajevo za 2019. godinu, sa pozicije Ministarstva za obrazovanje, nauku i mlade Kantona Sarajevo" na adresu

KANTON SARAJEVO, MINISTARSTVO ZA OBRAZOVANJE, NAUKU I MLADE

Ul. Reisa Džemaludina Čauševića br. 1 71 000 Sarajevo sa naznakom podatka o aplikantu (naziv i adresa)

Rok za predaju prijave na Javni poziv je 15 dana od dana objave u dnevnom listu „Oslobođenje" i web stranici Ministarstva za obrazovanje, nauku i mlade Kantona Sarajevo.

Neblagovremene, nepotpune i neuredne prijave neće biti razmatrane.

Pregled odnosno razmatranje pristiglih prijava na Javni poziv i utvrđivanje preliminarne rang liste projekata/programa koji će se finansirati iz Budžeta Kantona Sarajevo za 2019. godinu, sa pozicije Ministarstva za obrazovanje, nauku i mlade Kantona Sarajevo, izvršit će Komisija koju imenuje ministrica za obrazovanje, nauku i mlade Kantona Sarajevo. **Kontakt informacije: 033/562-127.**

MINISTRICA

Mr. Zineta Bogunić, s.r.



web: <http://www.mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1

